

Jastrebovi u potrazi za umjerenim muslimanima

Dr. Louay Safi¹

Potruga za umjerenim muslimanima privukla je jedan broj ultra-konzervativnih grupa, koje decenijama pokazuju zabrinutost i nelagodu zbog sve značajnijeg prisustva islama u Americi. Koristeći klimu straha i ranjivosti koju su stvorili strašni napadi od 11. septembra 2001. i nepoznavanje islamskih vrijednosti i muslimanskog doprinosa civilizaciji od strane američke javnosti, jastrebovi su pokrenuli anti-islamsku kampanju kako bi diskreditirali i izolirali najznačajnije američke muslimanske organizacije.

Daniel Pipes, čija karijera je izgrađena na klevetanju muslimana i zbunjivanju javnosti poluistinama i aluzijama, još nije uspio pronaći umjerene muslimanske organizacije i vođe. On je za ekstremizam, militantnost i radikalizam optužio sve i jednu uglednu muslimansku organizaciju i vođu. ... Muslimanske organizacije su godinama predmet njegovih napada i optužbi... Pipes u napadanju islama i muslimana saraduje sa jednom grupom ekstrema koja uključuje Davida Horowitza, Kennetha Timmermana, Steva Emersona i Stevena Schwartza. Za koordinaciju svojih napada oni koriste neokonzervativne publikacije *Daily Standard*, *Weekly Standard*, *National Review*, *Insight* i *Front Page Magazine*.

Nakon neuspjeha da izolira i uplaši muslimanske organizacije, *anti-islamska kampanja sada na muslimanima testira staru strategiju 'zavadi pa vladaj'*. Pipes je osigurao osnivačka sredstva za jednu novu organizaciju čija je glavna misija da regrutira «umjerene muslimane» kako bi podržali vodeće muslimanske organizacije. Prema izjavi o misiji Centra za islamski pluralizam, ovaj centar, koga predvodi Steven Schwartz u svojstvu izvršnog direktora, je osnovan da služi kao «trust mozгова koji izaziva dominaciju militantnih islamističkih grupa nad životom američkih muslimana». Izvršni direktor ovog centra pokazuje duboku zahvalnost prema Pipesovoj moralnoj i finansijskoj podršci i potpuno je predan ostvarenju njegovih ciljeva i korištenju njegovog žargona. Jim Lobe² je u jednom izvještaju zabilježio da je «Pipes radio sa Stevenom Schwartzom na novom Centru za islamski pluralizam čiji ciljevi su da 'promovira umjereni islam u SAD i globalno' i da 'se odupre uticaju militantnog islama, a posebno saudijski finansirane sekte vehabija, među američkim muslimanima, u američkim medijima, američkim obrazovnim institucijama ... te u američkim vladinim tijelima'.»

Prema prijedlogu Centra za islamski pluralizam, 'ekstremiste' predstavlja 'vehabijski lobi' koga zapravo čine sve važnije vjerske i sekularne muslimanske organizacije u SAD. Nakon što nisu uspjeli da nađu umjerene muslimane, Pipes i kompanija sada su spremni izmisliti ih. Velika ironija je u tome što su ti koji su sada zauzeti stvaranjem umjerenih muslimana već odavno iz centra otišli na ideološku marginu američkog društva. Činjenica da su oni još uvijek u stanju naći sredstva za finansiranje svoga huškačkog biznisa i sisanje straha mnogo govori o dubokim predrasudama protiv islama i muslimana među desničarskim vjerskim skupinama koje finansiraju i podržavaju kako njihove javne tako i tajne operacije.

Predvodnici anti-islamske kampanje će nastaviti raditi svoj posao i nema naznaka da će odustati zbog ograničenog razotkrivanja njihovih prevara i iskrivljavanja. Razotkrivanje mora biti temeljito i potpuno...

¹ Izvršni direktor Centra za školovanje lidera najbrojnije američke muslimanske organizacije, Islamsko društvo Sjeverne Amerike. Autor osam knjiga i mnoštva članaka. Ugledni komentator dešavanja u SAD i svijetu. Više na: <http://lsinsight.org/curriculum.html>.

² www.antiwar.com/lobe/?articleid=4963.